

直隸叙永廳志卷四十二

僭竊志

直隸叙永廳

縣附

明

奢崇明 明史稱奢氏猘獾種也洪武時歸附爲  
永寧宣撫司傳至奢劾忠死後幼子崇周代職  
未幾亦死崇明者劾忠親弟幼孤至是出宣撫  
司印給之外恭內陰鷲子寅尤驍桀好亂天啟  
元年應調以兵詣重慶巡撫徐可求汰其老幼

直隸叙永廳志

卷四十二

僭竊

一

遂反殺可求並巡道等進攻成都經攝巡撫朱  
燮元擊退嗣寅雖伏誅而崇明未平僭王號僞  
稱大梁國又與水西安邦彥連兵盤踞水藺崇  
正元年六月復召朱燮元率大軍進戰連捷於  
桃紅壩紅土川邦彥崇明皆授首時二年八月  
十有七日也藺土悉平

孫可望 崇正十七年張獻忠寇蜀僭稱西朝僞  
號大順可望奉獻令領賊破永屠戮殆盡據城  
而居

皇清肅王提師入蜀獻逆伏誅可望宵遁成都復由遵

義人滇黔僞稱秦王迨

王師開復全蜀永始安堵

國朝

楊展 順治五年八月土賊楊展攻劫永寧官軍斷永和橋以拒之十月展敗走

胡國柱 康熙十二年逆賊吳三桂叛於滇尋犯蜀逆賊來永康熙十九年春大師恢復逆賊遁去是年秋逆將胡國柱尤廷玉等復擁衆圍城

直隸叙永廳志

卷四十二

僭竊

二

彌月城陷城中兵民被戮婦女掠盡搜括四野幾無孑遺城爲賊據二十年將軍馮率師恢復